

陶

山

詩

錄

陶山詩錄卷六

善化 唐仲冕 六枳

平江集

九月八日冒雨遊支硎至天平山是日為余生辰
桂堂太守先有作次韻二首

滿城風雨年復年彈指往事空中煙前年此日起都水
北固山下揚舲船去年干役仍秋天黃樓落木爭霜妍
迴思縛袴逐塵鞅輶車欲到青海邊我生之初月宿斗
磨蝎已注三生前事劇那能容席煖政拙安望同郵傳
偶緣休沐尋豹隱自媿蹉跎逢夔憐清樽好稱幾兩屐

錦瑟橫絃五十絃故人先奏南飛篇臨風三疊舞胎仙
我如跛起瘡能語冒雨打漿求林泉

風前落帽孟萬年况兼白雨和蒼煙登高興發不可待
便攜腰笥停溪船支硯初地兜率天巖光樹色分清妍
午鐘聲出遠林外老鶻飛過寒山邊不見懸流千尺雪
但有峭壁橫樓前天平萬米密無際馬遠騰筆何能傳
新菊小團已漸放殘桂餘馥猶堪憐花山含霧石似筍
箭涇得雨水如弦檢點白傅白雲篇天門一線凌飛仙
却留登臨興無盡坐掃茶竈煎山泉

遊細師園同桂堂二首

高人舊結網師莊屋裏林泉引興長山子當門開短棹
水聲迎客到方塘過橋剩有殘荷影洗杓偏聞小桂香
釣檻花深堪把釣欲從漁隱問行藏

車公入座便情親談藝周遮忘主賓最喜市關逢勝地
那知簿領是忙人涼風晚閣吟紅樹細雨秋江憶白蘋
前輩風流渾未艾從今來往不嫌頻

題寓鶴圖

有序

桂堂太守乞鶴於揚州都轉載歸過吳門寓平江官
舍十餘日仍攜鶴以去余為作寓鶴圖因以名其館
先是都轉有聘鶴篇揚州和者多作聘鶴寓鶴兩篇

且疑鶴長客衙齋作此紀實

凌霄竒翼不可偶羅者安能招澤藪誤承聘寵到樊籠
便聽提攜落人手架頭鸚鵡愁紅翎藩下鷦鷯樂黃口
嗟汝仙姿來九臯游天背可青天負君以為雄敢不雄
誰逐其婦又呼婦架梁烏鵲渡天孫衙書青鳥傳王母
相隨孔雀東南飛競說高樓西北有昂立不與雞為羣
驚鳴詎同雉求牡頗思振羽遷鵷雛遙指當門認鴉舅
分料聊為梁稻謀置柴更循階砌走喧卑蹤跡果何辭
清遠心情良獨厚警霜合在鷗鵠先印雪豈留鴻雁後
楊州莫信罽纏多吳市那堪樓託久于飛吉卜事已諧

寄聲舊侶能知否却因僑寓憐羈雌縱使孤騫亦嘉耦
報客歸來得食馴寄人籬下難株守松陰偃蓋芝田香
啄苔履石頻回首曷弗縱之還女牀將安匹兮鸞為友

讓硯歌答桂堂還硯篇

世不有爭安有讓合以所爭觀所尚此硯先從豪富家
辱於廝僕隣缶盜得之洗濯出泥中移來拂拭珍席上
美人愛此青琳腴予取予攜非好貺從來逸獲常易失
況我簿書慚俗狀君才潘陸筆鍾王硯誠得所休快悵
慨然復以原璧還始信君家物無長范宣子讓其下皆
請為君言齊得喪物從主人人為誰科名第一傳臚唱

三輔黃圖藉保釐八州都督高聲望富貴功名三十年
鐘鼓曲旃羅供張盛有才名兼愛才一時豪彥都傾向
玉躡新排鄴架籤金叢雜置南宮舫青衣紅袖解詩篇
無限風流誇跌宕忽聞刁斗警郎襄倉卒笙歌擁出將
潢池烽火尚縱橫蜺旌雲旆已歸葵高明之家鬼瞰室
生前一一皆虛妄文章空歎繡屏風田宅難留錦步障
門前蠟淚猶成堆院裏羅衣各懸桁千純百琲竟何存
鉤索全歸將作匠可憐估僧到書厨故吏門生暗悽愴
匹夫懷璧乃其罪厚亡鮮不由多藏叶假使當時讓弗
居一生能著屐幾兩即以硯計陳紛羅龍尾鳳味及瓦

當此硯區區在棄捐吾曹驟獲觀可壯君還讓我讓
君洙泗斷斷非侔儻芙蓉城主若有知應笑兩人寒乞
相家無不破理則然秀才風味安能忘願將交讓作嘉
名他時台鼎無張王三揖三讓君攜歸痛飲更為傾家
釀

紀漕

詔徵東南漕其政宜清肅爰命撫臣起

謂岳小
瀛中丞

廉介卿

所獨小民困徵輸毋俾溢斗斛往時苦軍丁求索無足
欲今當立法始犯者加刑戮公言三首縣倡率流行速
吳邑多山田產米異常熟選擇若過嚴浮濫反易足因

地而制宜民情乃悅服當其定議時羣疑方滿腹我公
持以堅

璽書特褒錄

南辦理最妥朕早有所聞

上諭今年清漕惟江
善政原舊章積

重豈難復請看繁華地貴粟賤珠玉

庚申元旦恭紀四首

膺圖方度五

親政不書元運以重熙積功緣善繼尊烏號猶海寓豹
尾又

陵園

詔以元旦謁裕陵

瑞氣煙郊接扶桑上曉暎

雨露真無際雷霆豈在多先除上官桀已翦穆提婆內

蔽通韜驛旁求到薜蘿風行傳渙汗小醜本公膺

國重江南賦民爭粟米輸四蟲原是蠱庚癸幸無呼莫
謂千艘困須令百室紓向來經制定何處獨膏腴

大府清如水諸司肅若神釀成三日雪和召一年春撫
字慙無術豐穰信有因

昇平民氣樂林舞到微臣

鄧尉看梅至元墓遲徐鐵庵農部

大榕

不至三首

簿書無時休久負梅花約山虞報花開欲遊苦束縛行
縣恰經過花光望山脚迴樵得藍筍屏驕易芒屨入谷
偶聞香遠近不可度時當春漸深無奈雪增虐疎林方

爛漫繁枝半零落所以香雪海化為霧綃幕吾登吾家
山臨風浩歌作幸及趁新晴猶能見冰魄倘遲數朝來
何處辨跼萼山中尚如此那復問官閣莫攜玉笛吹且
盡金尊酌

游山迅追逋餐勝類赴約看花尚有緣亦如解禪縛幽
尋倘告疲豈不媿行脚仰登待支筇俯憩更躡屨信步
皆迎眸不以道里度乃知林壑深未受風雨虐松老出
山邱竹斜倚籬落掃石苔為茵登樓天是幕仙靈鶴擎
披蘭若魚梵作昔年王與宋謂阮亭
牧仲意氣何嗚魄至今
圖中人清光照冰萼對此發長歎俯仰還元閣秉炬下

歸舟撚髭事孤酌

徐邈中聖人向有尋山約愛公天馬行笑我春蠶縛江
畔昨留書岩邊方企脚應迴米老船同著居士屨日盱
期不來蹤跡費揣摩或者花事忙毋乃觴政虐美人與
香艸不暇問却落因憶夜潮生長風起六幕想非意興
豪頗畏波浪作豈知花如月已是哉生魄茲游雖艸艸
尚得數鬚萼君行計已遲此事且高閣却笑息壤渝當
依金谷酌

雨中招李韋廬比部徐鐵庵農部吳玉松太史馮
松恬觀察陳桂堂太守小飲寓鶴館遲蔣立崖司

馬不至分韻得人字

客來煙外徑，衙放雨中春。到館都懷鶴，開筵更遲人。燭搖花顫影，歌感酒生鱗。新月披雲出，壺觴欲再陳。

種竹寮

開軒為種竹，僅得方席地。野人移數竿，裊裊含新翠。宜留空隙多，暢使萌芽遂。場師逞其能，自謂工布置。編籬藉蒙茸，壘石得岑蔚。春雨方滋榮，雜花已環植。偶從窓外觀，但覺花枝媚。窺竹竹倚牆，若與穠華避。奪主嫌喧賓，增華笑踵事。場師為我言，于時尚藻繪。況此勁直姿，掩映有深致。君如愛栽竹，毋令傍階砌。結根在山阿，乃

有干霄勢

赴江寧舟中作

疎才當赤緊寢息皆草草頗思事江行整停判牘橐且
喜扁舟寬翻嫌廳事小有榻得高眠稍補求衣早况經
苦雨綿恰值初日杲菜麥延生機野綠望環繞帆影度
青帘櫓聲雜黃鳥沽酒成孤斟市鮭快一飽書生未作
吏那知官事惱一進不能退坐令雙鬢槁何當買爪皮
放浪入煙島

登莫愁湖樓擬莫愁樂四首

我愛湖上游頻問石城渡不見艇子來莫愁在何處

少婦鬱金堂中山異姓王英雄與名媛共此一湖光
眉今湖外山黛染湖邊柳湖上夕陽酣湖水化為酒
暝色蔣山頭莫愁不愁開樽還對飲新月挂西樓

孫淵如觀察

星衍

邀同許秋巖太守

兆椿

王石華

明經

瑜

飲邢氏園太守先返余與諸公至隱仙庵

看牡丹因游隨園并登地樓得詩四首

園林媚新霽花發來和風置酒當畫檻酒與花香融趨

公欣有暇薦士慙無功

石華余甲寅所薦士

太守先歸去遊人興

未慵

老樹蔽茆庵穠花明翠帟道人罷鳴琴為話陶貞白仕

女紛如雲莫詫儻來客看花貴及時香霧沾巾烏

六朝金粉地風流祗此園人琴邈矣沒臺榭歸然存
窗搖樹影詩壁埋雲根入山感遺韻出山已黃昏

登樓不緣梯地勢本崇敞遠山帶城郭一一看指掌所

游盡岑蔚於茲羅萬象清颺入高寒頓發閑風想

地樓舊名

清風榭

題同年汪澣雲梅鼎澄江霞綺圖用謝宣城晚登

三山韻

昔我十九人分命萬家縣自陳改京秩未遂已先見余
乃事塵鞅日逐吳門練聞君眷歸與勇退謝邦甸停雲

接勝遊江鄉話間宴示我遂初圖槐夏花如霰世情付
朝霞卷舒任千變

支硎舟中復題一首仍用前韻

簿牒日填委題詩趁行縣展卷到支硎雨霽紅雲見疊
岫映丹梯枉渚明素練天然畫中境野懷戀江向此景
無時無難期在清宴看圖復看山過眼如流霰恐君元
豹姿更作南山變

題萬廬山明府

永紀

請纓圖

不請彤纓請墨綬不學終軍學卓茂馴雉清風知政良
食牛盛氣述年幼君如不信視此圖十五齡時丰骨秀

傳神為寫棄繻生得志寧甘著鞭後漢氏龍淵拓塹圉
幕南象部嚴斥堠使者冠蓋遙相望大將為誰或乳臭
習船終疑卜式虛乘障堪嗤狄山謬終童乃是跖弛才
伏闕陳詞獲奇遘弱冠頓改天子容影綾便勒期門授
那容小醜抗顏行定有膚公靖邊寇博士談兵盡如此
衆人敢以儒相詬况行郡國言便宜更徵博識對奇獸
若逢赤子當安之買犢詎殊渤海守君才亦挾玉帳謀
少小早惜蓬窓陋節使桓桓掃欃槍書記翩翩動星宿
露布先從盾鼻書治譜還向螭頭奏

朝廷威德通梯航義正終當以仁覆但得春陵元次山

底須試卞甘延壽澤中荏苒或蔓生竈下騷除亦易究
誠如君輩紛駢羅從此威弧不煩設馬卿真慕藺相如
何必秦庭叱咤驚格鬥

題許秋巖太守觀稼圖

太守劭農桑問耕寫素願屬作第二圖觀稼寫勤勸前
年守雲間海潮切咨怨設法籌料糧活民數千萬從茲
感熙和所至樂豐羨圖中髯飄飄樂意闕芳甸田更禾
沒膝饁婦花遮面歲熟有甘霖時平無震電耦合街彈
室桑行仁恕掾正喜徵租輕翻愁糶穀賤問俗春旭長
觀民景星見行當召股肱奏事嘉禾殿

聖主殷民依請以斯圖獻

題王鐵夫寫韻軒圖

栽栽楞伽山蒼蒼松檜樹老屋四五間中有神仙住王
郎本仙才超超見元箸新婦配叅軍林下想風度黃絹
工詞章烏絲親疏註自題寫韻軒略比乘鸞駐家貧忘
簞瓢官閒等流寓相莊固其宜偕隱亦共喻薄宦我何
為挈家鮮常處有婦不知書頗耽邱壑趣每苦魚上竿
輒思酒入務筆作課子圖心擬歸田賦簪花倩夫人春
夢笑村嫗眷屬各有緣出處豈無據行當挽鹿回坐看
騎虎去

伐琴材 有序

揚州曾賓谷都轉煥以詩來言虎嘯有槁梧中琴材
相之果然因伐而致之都轉

未知乃相忘既賞豈空讚取之不踰時觀者皆駭汗喜
從虎阜隈得此龍門幹枯槁中席珍爰伐異溝斷邪許
出蒼巖輦致近青案苔蘚尚渾身煙雲欲生幔孤橫真
白鐵禿尾類焦爨求音先叩擊面勢且推按工言老其
材十載猶未晏豈知歲月遷誰計星霜換真識至難期
急就奚所憚况當逢雷張迫殊供好玩他時貢廟堂慎
勿忘崖岸

送琴材賓谷都轉勝之以詩

天篤必因材士伸於知已知遇誠足貴裁成乃為美有
木生空山相知隔千里一朝出巖壑衆目驚文理倘非
事斤削何以叶宮徵旁撙勉求林伐斷恐傷指深惟倂
錯懼懸想摩挲喜陰陽既有質短長唯所使岳之以丹
材池之以文梓錦腹志年月安絃選戍已公當奏雲和
我願分綠綺知之復成之憐才入骨髓

山行三首

百重峰壑擁長林嵐氣沉沉晝欲陰涉水鳬鷺分曉櫂
行山蜥蜴上秋襟腰鑣腰笥爭來往黃雪黃雲互淺深

莫道眼前憑管領一年幾日是登臨

屏御攜朋且放衙空山踏遍古煙霞禾當刈翻愁雨
葉未全枯已勝花僧煮茗爐緣石瘦樵穿苔磴倚雲斜
層巖複嶺窮幽討不覺疎林到暮鴉

咸池五氣接琴臺紺宇琳宮次第開但喜芳塍饒稻蟹
何妨繡屨沒蒿萊步虛共飯青精去舉火窮探綠字回
却笑闍黎勤掃屣問余題筆幾時來

履勘陽山白塔泥經白龍廟作

濯龍出銀海養雲藏玉洞化為精白姿堪供藻繪用豈
知隱士泥竟比外人貢屬禁誰為開虞衡競相訟質成

媿廉平適野勤倥傯煩怪龍為靈無端山得甕道旁經
古剎碣上讀遺頌坤腹孕鱗甲雲膚澤耕種見田從典
午立廟盛南宋氣積騰光輝日久遭琢礱尚非金三品
已令市一闕何如潛其良毋俾爭吾衆

山塘晚眺

夕照斜侵老樹邨捨舟登岸問邱樊疎林霞起翻鴉翼
沃野雲收長稻孫池落荷衣魚策策砌留苔印鶴軒軒
浮生未遂歸田願小坐烹茶謝衆喧

病假對菊三首

一夜西風澈骨涼望秋蒲柳早蒼黃關心却為滿園菊

趣使僮奴移上床

可憐人與菊同龕苦雨淒風已飽諳畢竟能為霜下傑
也應愛護等優曇

老大惟餘瘦鶴顏寒花相對鬢毛斑較量情態誰差勝
一種清癯讓汝閒

白雲精舍看紅葉次王南陔同年

紹蘭韻

絕磴千蹊上殘陽一水橫最憐紅樹外無限白雲情好
句推秋史新圖愛李成倚樓看不盡霞影落江城

題李松雲太守

允棟

虎山看月圖

明月照山山盡空空山受月月當中何處看山無月到

何人得月與山同虎山況是香風窟畫舫銀燈背明月
先生朗如玉山行照人秋月無圓缺幽居小寄山塘路
愛上盤陀坐深露劍氣猶憐霸國才石頭頗怪僧離窟
泉聲雲影悄無人惟有明月照來去不知身在此山中
况復功名等浮寓承明著作本前緣一麾出守又頻遷
泰岱歸來今日事畫圖作自三年前翦取吳淞半江水
攜得齊州九點煙堪笑烏啼曉鐘發漫愁漁火江楓然

白雲精舍看紅葉歌

主人請急方對客山僧忽報霜林赤倘令三日不入山
枯木撐天葉空積主人欣然客亦喜游情勃發沉疴起

畫舫出郭瞰初紅
筍輿登岸霞成綺
兼山閣子出山阿
倚閣看山錦一窩
半徑丹楓二月少
幾株烏桕斜陽多
鍾恍畫繪莫能狀
烘染窮秋生色相
山光如夜難庭燎
山容似客酣春釀
惟有蒼松翠栢不改移
亦如老樹著
花無醜枝閒雲縹緲
常衣白盤木輪囷盡
賜緋物理榮枯增感
歎已近蕭條翻絢爛
頗思秉燭盡幽竒
暫趁屏騎遊汗漫
邨外傳餐吠豹喧
林閒列炷棲雅散
晚風片片壓帽簷
僧約梅開重來玩

題仿石田山居圖

未曾居山中那識山居好
展圖如在山觸我舊懷花出

山悔已遲還山苦不早

題萬卷書屋圖示鑑兒

家無負郭田架有懸籤軸不惜罄俸錢漸已充牀屋先
世頗有藏貪嗜苦未足薄宦包山庭快意屠門肉且喜
百城擁何妨高閣束所願子孫傳汝輩豈能讀余日誦
千言老大徒秉燭汝不及百名少小已刻鵠屈足雖云
多淹洽竟誰屬况彼饒記珠或乃譏書簾近時尚考訂
櫛比致豪禿達者工詞章華瞻誇錦簇數事非所能我
言維可服從來萬卷通不如一經熟窮經務遠大掩卷
思往復禹貢治河渠春秋斷疑獄如此榮稽古不然誚

拘曲汝方補諸生妄自期令僕出身重廉能居家先孝
睦能收已放心自拓無窮目求之貴有恒戒之在欲速
讀書善提綱藏書真式穀吾年且衰矣終日勤案牘汝
能任詒謀吾當返耕牧

脩六如居士祠墓題桃花庵四首

綺羅絃管總成塵一種才華閱世新縱酒地為澆酒地
看花人是種花人可憐謝客無遺宅何必逋仙有後身
燕麥莢葵芟剔盡絳桃依舊占芳春

第一風流自愛名佯狂頗得聖之清奏書不逐嚴夫子
撾鼓真同禰正平半偈悟禪空電逝小樓讀書尚花明

饒他文酒求餘韻三百年來識此生

吾宗衡後數尤奇牢落悲深曠代知一副青衫司馬淚
幾行紅杏尚書詞銜碑土近要離冢拾遺人歸短簿祠
千古英雄齊下馬況兼同姓備官司

荒煙蔓草賸殘燈仙館重開問寺僧五十步外樵采路
三千界掃辟支乘乞花好句留楹帖夢墨遺編付刻藤
表墓式廬吾豈敢名流好事寫韓陵

四月晦日石湖觀競渡邀同周約齋禮部維祺馮

松恬觀察克羣陳桂堂太守張古餘敦仁蔣立厓

業晉兩司馬段懋堂玉裁胥燕亭田若谷鈞萬廉

山四明府何夢華文學

元錫

袁綬階上舍

廷構

錢

孫淵如觀察入都補官以綠浪東西南北水紅欄
三百九十橋分韻得橋字又得水字時松恬亦將
北上

石湖送客行春橋橋頭仕女紛遊遨爭看鶴蓋催畫鷁
倩誰簪笠隨山樵石湖故是至能宅新叅幾日歸江皋
阜陵御書兩字勒傑閣天鏡三峯高人生出處有際會
志士慷慨無蕭騷興公作賦振金石齊州整俗師官僚
還家書劍本落落出山車乘方翹翹野王繼踵得弓冶
乘時攬轡揚金貂北山偶懷菘韭味季卿獨向襄瀛招

方外風流自擇螭席間酣詠先持螯更有拂衣多述作
兼之擢穎工文豪蘇門長嘯若鸞鳳滿座起舞聞笙簫
是時萋秀蕙落矣先期競渡波心起鱗鬚鼓浪聲喧飀
草木披崖盡霍靡振子戛絃雨跳珠伎人照席霞成綺
楚風但解弔湘纍吳俗長應恨宰嚭屬鏤怒潮空爾為
鷗夷泛宅途經此從來州縣困風塵況以駑駘備鞭箠
絲牽百里終年繫舟近五湖何日檣送人作郡堪柳榆
對客揮豪亦汗泚祖帳深愁江月盡娶船更見夜光起
拈韻分題綠浪篇銜杯作畫白雲史
廬山有圖他時旌節賦
歸來記取偶伽山下水

脩陳恪勤公祠

我朝鄉先達清惠公為首以學為經綸與明夏劉友此
邦溯遺愛謂公賢太守祠於郡學宮廉石峙其右我來
拜公像戟髯好身手當官獨強項大吏多掣肘精誠簡
帝心媒孽掃讒口賢良孚

北闕尸祝徧南斗浙焚爛柯香河蹇廣武酒神如水在
地一祠復何有茲焉祀名宦傾圯因歲久文移日往來
官吏鮮奔走小子適宰吳敬恭益顏厚今得賢臺司宜
為良父母奉職乃無能淹官復誰咎典型儼在前步趨
矚乎後慨然任脩葺奚足謝慚忸讀書貴樹立如公真

不朽

題趙壯嵐明府

曾

行看子

圖中有竹

此君清不俗藐然山澤癯之子豐軀幹似與文弱殊豈
知貌魁梧有斐中亦虛作書貴瘦硬覓句含淡腴以之
服官政定有清風俱宦輕宰百里賦重推三吳昔戒簋
簋飭今憂筐篚肱但能自蠲潔何以任補苴我虞顛鼎
久君乃發軔初因思東南箭難為董澤蒲千霄無異策
改柯非良圖君子映星弁佳人倚翠裾莫言行看子不
稱偉丈夫

題康熙間凌文學

雲升

上遂寧張文端詩卷後應

其曾孫壽祺請

往代舉孝秀主者不專遣特重進士科乃嚴秀才選廩膳益增附三年兩披揀我

朝設督學節使埒清顯子衿累千百門牆隔關鍵或乃在城闕未免肆譏辯荒庄固無論徇曲亦已覲舉舉凌先生手書尚完善以詩報學使感激無涕忍遂寧真藻鏡先生何繼繼生徒盡如此風尚豈不腆於欣有壽祺能守其著撰今年會以文經義足弁冕來脩弟子容早識傳經遠從容見篤行珍重出遺簡讀之三太息古誼令人泣師儒道克敦願與諸生勉

喜晴

江南財賦首重漕百萬金資美禾耗上則每畝斗八升
豐年尚苦無積糴長夏望雨愁愆期一夕為霖喜應禱
方占大有歌黃雲忽屈杪秋驚白潦晚稻未收早稻濕
高田已濡下田淖我雖畏風乞休沐強起旁皇謁神廟
連朝開朗驅殘雲今日巡行當晚照猶看萬稼棲泥塗
直須旬月暴晴曜村氓甚恐登場空租吏相隨樞戶叫
幸逢令甲嚴侵漁無賴運丁逞桀驁譬如鼠豕橫且肥
竟無貓虎除其暴主者寬爾折筭答當之畏若滿原燎
吁嗟晴雨徒憂虞我官已卑難入告

秋目擬杜工部十六首即用其韻

天河

金精積衆曜雲淡映空明乃入寥天一沉涵秋水清紅
牆橫碧落銀浦隔層城便欲乘槎去江潮夜夜生

初月

返照分一線歸鵲棲未安眉初畫有彩環待合無端斫
桂影自曠開奩光已寒好憑脩月戶積玉映團團

構衣

寒景急刀尺空閨懷葉砧月懸霜杵淚風動鐵衣心傳
令裝棉早銜恩挾纊深何勞重寄遠山響劇秋音

歸燕

蟄穴定何處西風毛羽稀故巢無久住同社或先歸
勤苦自生性往還皆化機塵樊日羈束羨爾故飛飛

趣織

聲自草間出天寒彌近人能令嬾婦起獨與紡車親
機杼為誰急蘭缸常達晨已過授衣節督促聽來真

螢火

幾時腐臭化便帶野燐飛月出還依草人來喜著衣
珠從朝露散豆向夜燈微未信光能照迷途引馬歸

蕙葭

瀟灑有遠致其如瑟颯何煙籠蒼欲暮霜壓白添波疎
影藏鷗少寒聲入雁多天涯看歲晚人事莫蹉跎

苦竹

短柯自勁直苦節復堅持但恐托根淺翻滋叢薄疑枯
禪知此味行路棄何辭芳樹同甘井誰人獨念茲

除架

秋風迅如掃木葉雨中疎果蓀垂無幾蓬麻罨可除今
棚曾莞爾補屋尚茫如歲歲斂藏事都為興作初

廢畦

經霜菜添味著意護摧殘抱甕向斜照鳴菴驚早寒綠

菰宜晚摘旨蓄趁秋闌一罍生涯在長懷首藉盤

夕烽

不見平安火纔知境不安煙從風定直燄為雨餘殘未
燎求寧易方難欲靖難四山刁斗寂常作警傳看

秋笛

若令壯士聽中夜起披衣楊柳幾搖落征人猶未歸關
雲沈劍閣塞雨冷金微忽覺春風到寒鷗向晚飛

空囊

鉛汞鍊有術瓊糜飢自餐不然倒篋易但欲括囊難糴
米夏偏貴典衣秋早寒蕭條已如此猶作計研看

病馬

骨力異個儻馳驅風雪深寒來苦病肺傳至輒驚心
芻豆豈猶昔鹽車難自今主人容伏櫪戒汝莫長吟

蕃劍

來自日本國那堪星宿裝似將避神物不敢露鋒芒
操者縱能割恢乎宜善藏原非大食寶甘讓管涔王

銅瓶

此器亦已古居眉皆汲深但憑綆索上未斷轆轤音
銍谷漏還挹鴟夷圓不沉美人抱空質何日重兼金

周端孝血疏歌

端孝名茂
蘭字子佩

周吏部死於璫崇禎改元正刑章寃得雪贈太常一解

其子茂蘭痛父仇在奄黨叶猶稽顙戮報未償蘭足京

師搏顙巖廊血誠上訴冀得當二解刺指出血楷書貼

黃書成十三行凡百四十四字字字端莊三解姚公見

之動容傷惶惜哉一語涉疑諱勢難更寫指已創四解

茂蘭潛然曰指枯舌尚存更寫庸何傷舌血赤於指赤

心達我皇五解疏既上叶上憫其誠叶乃誅倪暴毛國

法以彰又褒其先世三代皆贈太常六解茂蘭血去惕

出獲所望猶痛深創鉅終身悲慕不能忘前疏在謹自

藏七解嗚呼指尖禿舌本強叶舌血之疏達宮闕指血

之疏藏巾箱傳之千百載教天下子純孝臣忠良八解

吳縣學宮禮器成紀事二十韻

三吳文物盛一代典章存逢掖徵儒行宮牆仰禮門中

丞嚴簠簋下邑足雞豚儀自太常習教由宗伯敦

岳中丞

官太常禮部故禮器最詳

上丁陳俎豆先甲演朝昏展器求明備為

容試駿奔牲牷分几案酒醴辦彝尊搏拊聲依詠編懸

例用軒雖雖堂上下秩秩位卑尊郡學齊興舉鄉庠亦

討論鏤真銘大晟球自琢靈源

縣修樂器得宋鏤鐘特磨

鳧氏添宵

韞難人戒曉暇經生通律呂

謂俞生大猷

博士薦蘋蘩樂舞

和為節師徒靜不喧我公初出令羣士有煩言陶淑潛

相感漸摩矢勿讓土滋知雨化草偃愛風溫韓勅宜刊
德立碑吳縣學中文翁共沐恩祇緣躬作範豈畏毳如璫樂道
流餘韻聲明重大藩

題汪浣雲同年彈琴圖二首

美人曾贈朝陽樹俗吏誰逢海上仙笑我也思鳴竅子
羨君早已悟成連戴星強學高山操聽鼓難參槁木禪
十指如椎不成調浪誇彭澤本無絃

屢依石榻聽清彈抱膝還從畫裏看寫出水雲秋響濶
恰當松竹夜吟寒吾師尚說安絃易有客偏愁識爨難
一任昭文常挂壁焚香展卷月闌干

言金卷一
橫塘亦有六如墓並加封識仍用桃花臨原韻四
首

白玉樓成隔兩塵水村山郭幾番新未知若箇眠雲處
想見當年荷鋤人蘭若舊藏題後碣菰蘆雅稱夢中身
橫塘十里秋聲館合與芳園一例春

荒邱冥漠不書名訪到山橋澗水清
指點青燐孤月出
侵尋黃壤亂雲平一杯馬鬣新封大
三尺雞碑小記明
過客莫歌蒿里曲
早歸兜率悟無生

菱花重重鼎俎奇橫阡設祭暮雅知
唐風賸有毛萇傳

楚些曾無宋玉詞

毛子晉嘗封表之置墓田丙舍紀以
碑今無存惜商邱中丞未曾識及

地以滄桑沉斷礎人於伏臘走叢祠
秋來雁稅從新占憑仗村翁社媪司

文人慧業照元燈

墓前碑仍題明唐解元

煙穗前生記老僧花隔

吟樽延客賞石湖釣艇沛吾乘
城開更注千年漆松茂長攀百尺藤
疑冢却嗤銅雀伎空教賣履望西陵

題明舒文節公

芬字國棠號梓溪

探梅圖說真跡

老梅似鐵忠臣骨古幹著花橫
突兀乾坤作意加摧殘誰向天根探
月窟當時探者伍寒泉公雖未往神能傳
就中指點先天畫凜凜生氣浮豪牋
鄧尉梅花千萬樹我曾一探巖深處
歲寒潛感素髮心雲凍迴隔紅塵路

空谷無人弔幽魂孤山高詠不可聞愛公千載風霜節
長留一卷冰雪文

題韓旭亭丈西山紀遊圖

廿年踏輒紅韜韞繼化素飽聞西山奇苦乏濟勝具十
年官江南合諳山水趣那知尋壑緣日以聽鼓誤吳亦
有西山靈巖與元墓探梅劇風雨奉檄匆匆去東老客
春明選勝如逢故歸來示我圖蒼翠開曉暮中有餐霞
人筇枝引芒屨撫髭凡十篇彈指已三度名山故多奇
達人乃恒遇我今遷海濱回首江天樹翁歸吳中山山
色迴披霧笑我經過忙知翁來往屢更作西山圖吟筆

想新注

平江留別三首

十載胥江柳三春鄧尉梅看花曾幾度鼓枻又相催羸
得霜添鬢纔容月滿杯郵程隔千里慰薦指岑苔
吳中好山水昕夕對衙齋況以賓朋樂兼之雲樹佳興
情看竹馬客思在芒屨記取留題處斜陽繫別懷
浹旬逢餞席行日趁花朝樹影春隨枋鐘聲夜到橋水
通淮海濶山入莒齊遙別後如相憶聞來鶴可招

陶山詩錄卷六

山詩錄卷七

善化 唐仲冕 六枳

胸海集

陪許孫兩觀察及陶王二詩人飲雨花臺遇雨

雨花臺畔雨初來
雨花臺下花正開
臺前白雨雜紅雨
臺上深杯和淺杯
冒雨看花花遠近
銜杯對客客徘徊
元度高風評月旦
興公雅韻賦天台
欲向丹爐誇宰相
還揮玉麈話宗雷
坐殘金粉餘花落
醉倚欄干驟雨催
可憐雨歇應官去
閒忙自別同岑苔
名花應笑人如雨
閱盡登臨是此臺

之海州途中作二首時長兄鞠溪同行

小艇停桡後單車叱馭初逢迎無隸卒勞問有郎問照
壁已驚蝸攜裝惟累書風塵今滿面羨殺隔溪漁

却緣行襖被正喜話連床草憶鄉先綠鬢憐弟早蒼問
沽花外屋遲渡柳陰航忽憶衡陽雁看雲向夕陽

七弟時在

長沙

抵海州任二首

海山深處策征駢敢道遷官好息機屈指歲華三月暮
回頭宦跡十年非自慙素飽占鴻漸

筮遇漸之巽

空羨高齋

看鶴飛入境麥苗愁欲槁下車先與事春祈

擘柳風來坐撒簾隨車頗惜雨廉纖都亭豈有于公獄
闕市曾無學士鹽樹擁朐山雲護郭花開石室月窺檐
佩刀解識攜鋤樂但祝春膏遍野霑

雲臺山禱雨

雲臺山古鬱洲山裨海環之三百里中結靈宇樓仙真
三元兮司天地水但有功德施人寰何須祀典著書史
我來正值春恒暘秋種不下麥苗萎靡神不舉曾莫聞
躡谷攀嵯虔禱祀潮淤十里行沙田磴踏千重到階危
巍哉儼受百靈朝莊嚴奚啻三公視我聞天噓地吸氣
交和下水上騰雨滂沱神兼重黎與堯冥況以海若能

推波天門開兮談蕩蕩靈之來兮屏翳上匍匐丹墀九
頓首靈之格兮豐隆走胡為乎夜宿山寮月正中狂飈
入樹聲摩空坐令屯膏失民望唯以弗蠲求我躬昧爽
再拜申情迫顛呼雨師訟風伯傾山倒海溢阡陌三日
為霖神之澤不然樂菑捍患神無功蒼梧雲氣空濛濛

宿田家

非關雨後樂行春視事街彈語漸親偶見雉桑勤問俗
輒逢雞黍款留賓半犁小麥初成穗一榻孤衾未拂塵
曉日窓前聞叱犢驅車便作勞農人

得雨紀事

伊余下車初暮春之六日得雨僅扶寸農民競稱述不
雨自秋杪空覩郊雲密時維月既望雲臺歎神室五日
以為期夜窓聞瑟瑟此雨倍前雨萌達勾者出浹旬復
呼雲薰風狂應律延至四月中窮簷號痛疾內省司牧
愆外施繁露術惟神真慈祥惟官深惴慄始來快霑濡
繼乃更洋溢秋稼可全滋春麥亦半實撤壇賞巫覡擊
鼓薦芬苾嗟我海濱民十年九振卹雨少星在留雨多
泥沒膝視事將五旬祈禱獨專一得雨憂方長詎敢歌
極粟

河豚子

萋蒿滿地河豚上天遣雙魚躍入網漁者登市屠者烹
謂子有毒投糞壤東家大兒拾之歸五口煮食留一盞
其父外至方朶頤兩穉仆地如藥仰三人委頓亦呻吟
乃棄其餘發竒想喉兒誣指餅餌家小嫌乘此報疇曩
我觀牒訴生太息幾致可欺亦可罔那知天昏札瘥中
尚施伎倆為罔兩小兒無詐烏鳴哀未信此語真不寒
訕實立召屠漁質魚皮具在獄無枉天生毒物毒心毒
三子一朝殺其兩若無此獄人不知炯戒何待通衢榜

捕梟行

海地掘井得鹽鹵灌於土池八甌池風颺日暴一晝夜

堆霜疊雪掃紛披淮北引鹽獨在海三場總隸一分司
行銷豫州及潯皖私販出沒爭居竒曬鹽竈戶商所役
收鹽包垣竈所為每鹽百觔錢三十掃池運垣無傭幫
私販百錢還自運况足引額餘京坻竈樂就臬臬暱竈
巡邏兵役皆其私百十為羣水陸進連檣擊穀莫敢誰
舟由汴河度連水州西門外海之湄先除肘腋潢港斷
次慘邨落戈矛隨聞風鼠竄走僻野棄鹽狼籍彌荒陂
焚車毀屋逐奔北繫所隱器先榜笞更從來路設防護
申嚴連坐懲見知捕臬已盡僕區法臬若大屈反有辭
無業不敢為盜賊有利誰弗趨便宜地不愛寶惡棄地

安能盡籠入度支自食其力乃扞罔因民所利豈漏卮
往時厲禁頗弛緩今日掩捕窮彫疲頃已潛逃同困獸
公猶痛嫉如惡鴟公矜明察當自近物必先腐蟲生之
我聞猛省復開諭爾歸就業我弗追

朝廷立法作隄塹有常無赦莫怨咨力剪胥蠹得奸猾
內考政教慙闕遺歸來靜對石室雨學士高風安可期

板浦舟行

中河未放閘水淺僅容舸官舫小且敝聊謝陸行勞東
風阻莫進百丈挽不牢頗苦移舟緩輒懷破浪豪躁心
生悔歎靜念乃宣驕君子貴居易素位隨所遭試泛溟

勅中陽侯起波濤方思野航穩春水宜半篙

所見二絕句

川麥郊原走合家黃雲收罷日西斜健兒叱犢搖鞭出
秉穗翁孃共一車

兩三間屋便成邨炊在床頭碓在門辛苦婦姑謀曉爨
數聲杵臼月黃昏

將赴吳門舟中述海州風景十首

入境難求水味甘黃茅白葦駕驂驛那知雉堞北山北
却憶鶯花三月三雲氣忽然來海上風光全不似江南

曼卿已作芙蓉主但勝巉岼石一龕

石曼卿嘗判海州有芙蓉洞萬花巖

跡故

下車三日上雲臺不為貪看疊嶂開
紫府神君蟠島嶼綠章封事啟風雷
黃公冢上晴煙散孝婦祠邊暮雨來
小麥高田望霑足青伊湖已怨汙萊

恬風古渡白沙平峭壁飛泉尚有情
鮮拂唐碑師子石

鬱林觀有唐崔逸繇書摩崖

雲封木堞鳳皇城

東海營有鳳皇城宋賈似道所築

鯨

波未靖曾栽海鼉極常安特建營
欲訪秦東門刻處之
果縹緲晚潮生

元虛作賦不言鹽府海由來厲禁嚴
利奪牢盆齊國焚
法施足趾楚人鉗池通方罫連天白
垣起圓椒突地尖

物產無窮民產匱最難調劑是閭閻

景疏臺上舊懷清鼓篋譚經几席橫月旦有人推許劭

風流他日繼匡衡

觀風試士得許生桂林為雋

親裁甲乙三千牘會

關東西一百楹

擬建書院試棚故云

莫怪天荒緣地脉五雲深處

即蓬瀛

絕潢斷港壅溝畦半近山阿半礪谿一畝宮多無甲第

七施泉少有庚泥爰居門外風常壯牡蠣牆頭日易西

不是催科全不用年年蠲緩養窮黎

聞道重湖水易潞桑田六月化沮如當乘未雨綢繆早

敢使無鴈勞來疎漢紫戶疑通博望沙盛囊似困龍且

博望龍且二鎮名

殷勤父老條宣洩勸我循行有故渠

青伊湖受駱馬

湖水泛溢害民田廬當於下流開渠通潮以洩之

雨餘石罅水晶圓採掇從他不稅錢偶下朱符徵鶴戶

州產鶴有鶴戶近亦不易得

頻題墨榜揭漁船仙禽豈受官徭繫水

族何容伍藉編多謝山樵獻山藥

州產何首烏

年來鬚鬢已

蒼然

馬疲東野想優游到此崎嶇未少休桑孔兼權州刺史
邾滕小會澤諸侯訟庭那許清槐夏行縣難逢稔麥秋
轉憶送迎當赤緊看花選樹儘勾留

中河波淺棹輕颺信宿符簪旅店窓打麥聲中嘶小騎

轉蓬塵外度橫杠潮音已上琴三疊舟具曾無鶴一雙
路入淮陰風色利蒲帆半日到邗江

鮓魚

海氣腥聞座輒思江水深及時逢客路入饌動鄉心參
政原多鯁南豐自解吟豪家那識此早市費兼金

枇杷

上市已多時舟行到手遲擘開無獨核剥脫有乾皮頗
覺色香減還憐風味宜差勝後來客采葉向空枝

丹陽水嬰

江南曼衍魚龍戲競渡樓船喧鼓吹贏得傾城萬戶觀

陶山詩錄卷七

不惜傾家萬錢費胥江邗江稱第一常州潤州乃其次
傳來吳越春秋篇法本荆楚歲時記前年屬禁嚴毘陵
怨結搢紳及官吏械繫其人沉其舟司空城旦投遠地
我為吳宰通民情示以周防懲恣肆石湖召客羅笙簫
金閨列舫分旗幟重午節宜侔子呼一日澤有江神嬉
今年移牧東海濱投龍禳雨雨不至大壑如閭割耳腥
重淵一任探珠睡葉公鱗鬣好非真坡老樓臺見豈易
渡江五月月幾望鮫人歸室蚪宮悶輕風細雨赭圻城
仕女謹闕簇簪珥波心飛出兩白龍頭角崢嶸尾如植
停舟坐愛盤弩舞隔溪已見蒼芋醉餘波綺麗偶然逢

使我張觸生感喟

題汪浣雲琴養圖

出以琴治民入以琴養親一奏花間野雉馴眷然歸報
堂前春春暉晚照春和盜橫琴不羨鐘鼎養子姪來詢
出山期畫圖省識忘憂狀憂深風樹子皐寒哀切梧捲
子夏彈南陔白華補笙曲玉徽金軫懷熊丸我聽君琴
輒三歎再拜從君學操縵履霜誰為尹伯奇戴星徒勞
宓子賤君今改秩尚書郎遺訓依然奉敬姜顏移孝思
作忠悃上佐

薰絃解愠宣朝堂

攝山道中却寄徐尹園刺史

源潮

衙散理征策郊行舉別祛官原同雨集暑斃情風除樹
影綠成幄蟬聲清到輿寫鞍山下路一艇載琴書

竹塢行

曉行至竹塢飢餓日將昃下輿入閭巷婦嫗為營食糞
除一席地容我坐偃仄苓通環其中襦襟卧其側屬我
善視兒與我新炊稷竈餽煙乍生瓦盆手頻拭須臾進
餅餌致詞多抑塞亢旱傷禾苗淫雨害稼穡甕粟豈有
餘壺殮非易得官無嫌草具民且憂菜色方飢便圖飽
既食乃復餒一日尚難忍終歲奚由息民以食為天官

以養為職愁對簋有饒何心肉無墨

陪方伯檢災海汴浹旬乃歸卧疾感賦八首

瀉鹵荒磽地風塵老病軀政疎空望歲民困勉求芻頗
訝田三壤偏傷海一隅臺司果求瘼先請驗官糴

行部褰帷至陳詞負弩先稻孫無復望耕父

謂早苦相纏

飢雀噪荒日哀鴻橫暮煙夜分猶請間攬轡已悽然

流庸欣得請下邑又經過汴浸全通海湖流徑洩河人
依牛屋少地接犬牙多竚盼飛章入歡聲滿澤陂

自我來東海長年不住車蒼龍春禱雨黃鵠夏疏渠秉
火撝蠹賊籌鹽裕蟹胥纔經秋後雨種麥課犂鋤

今歲百年半來朝九日重商飈吹短髮曉露滴疎鐘客

未題餽集兒於落帽逢

鑑兒自吳來着僅於途中一見

馳驅空碌碌何

計遂攜筇

兄自十年長弟皆同月生老因閒轉健官為拙難成鶴

有南飛曲

兄年六十同人作屏頌之

鴻無北鄉聲

近未得舍弟消息

衰齡鍾

枕被客裏倍關情

國恩原似海臣壯不如人但使窮黎活何辭大府嗔遷

官憑累歲行縣輒經旬訟牒迎門入頽唐媿此身

却笑忙初定方知憊不禁脾風經雨重肺疾入秋深衙

放黃紬被囊空綠綺琴無才堪卧理喚起聽鳴禽

修先農壇

海濱故荒瘠農事亦鹵莽雨暘稍不時旱潦卽成象本
無德維馨遂致神弗享我來事常雩先期肅瞻仰豈知
出郊門牲牢陳糞壤後有藏主室婦卧兼兒襁褓慢既
如此何以通肝鬢惕然除不蠲修葺得軒敞壇遺周三
成墻垣繚十丈行路生矜莊耕忙默憑仗水恠龍罔象
山恠夔罔兩神力能驅治物魁敢王長如何二麥枯暑
雨更決潏秋稼宜滋濡秋陽又晃朗乃知政未修難期
應如響何異操豚蹄篝車祝豐穰成民方致力此理原
不爽顧民實何辜罰當歸職掌惟神愛斯民長令得所

養

鹽河阻風有感四首

中河通甬瀆放牯水奔下渡河至朐山遙行一晝夜今
我計迴帆三程如一舍豈知見天根溪流停不瀉中宵
起狂飈篙工忽驚訝牽纜平沙厓欹篷嚴塞罅凡事難
豫知欲速且權罷

水涸不成河舟小不容席風急苦相乘飛塵滿巾幘如
車行燕齊襍被擁沙磧掩閉晝欲昏歎心為形役江海
有洪濤震蕩乃巨舶每當風浪翻輒喜波瀾窄

屣軀困鞅掌倚息不得卧吳牛見月喘況受風鼓簸小

航巧納風終日苦兀坐渺慮欲成眠
簌簌生咳唾雖未憂沉淪翻乃蒙
堀堞何如斗室中鍵關事清課

日者河北溢豐沛浩無垠幸而堤
埝築波未及海濱頃聞南岸潰泗
澤漫通津田廬皆墊隘卹方紛綸
即我海沐地蠲賑賴

人皇仁以彼溝中瘠視我舟中身
彌深失伍懼敢作懷安

得替後赴沐稽賑作

詔許遷階上計行暨時受代喜無
營却緣授食登民數尚緩驅騶入

帝京集澤最憐鴻雁影
違山獨聽蟋蟀聲
羸軀不敢圖
休息藥裏常攜伴
曉征

胸陽道中曉霧

寒煙漠漠草萋萋
如水如雲望欲迷
澗外浮將平楚動
山頭暗與半空低
風生曙色衝鴻翼
潮退沙痕試馬蹄
此日經行憶秋潦
驚濤洄盡擁塗泥

大風道中

海國朔風驕天寒
雪意饒雲隨潮並
黑山與樹俱搖蒙
袂人趨郭衝泥馬
怯橋從公數來往
歲晚更蕭蕭

寶應阻冰

層冰兩岸合短棹一江橫
辟立刀山影嘶流鐵馬聲
緒風宵更急寒日午猶輕
客路貧船逸還愁攬轡行

高郵遇鑑自吳門來即攜歸吳二首

歲暮思相慰官閒喜乍迴
前時曾遣信知汝必當來
孤驛逢人問衰顏為爾開
隨行親授騎江路夕陽催

未至停輿遲當餐輟箸籌
米鹽諸婦理親串幾人留
比屋方祠竈通津更買舟
吳門十年寓便作故鄉游

歲除抵吳門

海上歸來不當歸
皋橋僦屋掩柴扉
宦遊係戀惟家累
歲暮團圓正夕暉
作客親朋齊握手
候門稚子近牽衣

避人自作粃盆樂。樾馬林鳥且雙違。

癸亥元旦仍用除夕韻

新春未到我先歸。已見松枝插兩扉。燈下篋陳搜宦稿。
窓前樹動透朝暉。也須少酌屠蘇酒。那許全披薜荔衣。
正恐當關呼不置。鳴騶催起寸心違。

雨後發金陵

十日趨牙了。便回憑軒空望雨。花臺風生手版看山後。
雲壓肩輿出郭來。春樹濃陰低尚閣。寒鴉晚照遠還開。
自慙俗士孤遊興。應遣歸途軫欲摧。

春分前二日鄧尉看梅

一夜東風忽放晴，美人林下最關情。
應憐此日閒能到，莫悔從前看不成。
鏡裏須眉輸我白，年來腰腳為君輕。
攜琴有客操三弄，靜聽高山流水聲。

若非鄧尉逢仙尉

謂蕭赤却

那許羅浮共拍浮

湖北嵐相遇快飲

未

信春寒相欺，得可知鄉夢正酣不色。
霏曉霧千邨合，香趁斜陽一路稠。
指點兒曹作圖畫，他時桑柘但鳴鳩。

題吳槎客

密

細雨東風圖三絕句

畫艇看山已卅年，我來讀畫憶從前。
曾經罨畫溪頭路，頻上米家書畫船。

春江滑笏碧於油，問訊東風片席收。
無雨不晴天氣好，

陽山言金卷一
載將春色過江不

無而不晴天樣
客垣人的也

自製溪船一葉輕長年載石壓風行却憐便面催春騎
爭似五湖煙水清

閨夜朝虎邱市蘭卽以留別

去年逢花朝餞席花成陣今年別虎邱又值花朝閨時
已十月遲花尚三春客惟饒崇蘭香不誤東風信就中
得素心相攜映華鬢送者自以疎行者意彌親不愁蘭
不香倒畏香已僅

謁鄭城孝婦祠

婦孝姑顏姑壽姑既亡婦何有太守縱不治于公縱能

白婦亦將自裁婦亦早自責從姑於地下於死何所擇
在獄則為寃在婦寧思痛皇天哀憫婦無辜枯旱三年
雪此訟官來禱墓天乃雨海枯石爛婦無語東海有祠
並祠姑婦所憑依矣忽諸

次韻周雲臺二首

十年重踏輭紅塵恰遇西窓翦燭人久別倍懷行役遠
往年別時予方有闕隴之行相逢且喜掇科新雲臺登拔萃科官如上竹梅

公老道在羹藜季次貧自笑從前膩顏恰郊原幾見草
生春

會吟佳句癢能搔曉日還看策六鼈塵鞅那堪詢宦藁

春明端不困詩豪慙逢舊雨生車耳頗訝新霜滿鬢毛
咫尺銅街類衡宇晚涼乘月話江皋

題西涯賦別圖

有序

五月一日謝薌泉侍御楊蓉裳員外

芳燦

吳山尊侍

讀

兩

邀同伍堯梧門學士

法式善

何蘭士太守

道生

朱野雲山人

鶴年

餞別於城西極樂寺因拜明李文

正祠墓野雲先作此圖題詩三首

一別動十年人生幾回別此別更何時重尋舊車轍因
之感將離題襟相慕悅新知與舊知強半在朝列而我
為外吏都門頗隔絕會面經風雨盈髭見霜雪若非郊

外遊曷解離腸結

夜雨開曉晴郊原淨如洗
招提敞虛亭林樾搖清綺
似聞子規啼散步入墟里
新阡拜昔賢況乃吾桑梓
當年懷麓堂匡時有微愆
彥博既同譏庭堅乃不祀
後身三百年封樹出遺址
天道有時窮因果信佛理
慨歎求西涯微茫辨煙水

未游先作畫所畫非所遊
但能得畫意何必與遊謀
未畫先有詩其詩豈其畫
卻恐詩不成翻以畫為迂
斯遊已陳迹何論畫與詩
西涯定何處安問遊所之
古人重氣誼贈信在臨歧
緬懷前哲風欲訂後來期

次韻周春田考功

鐫

都門送別

久別得新聚，趨謁忘衰老。同年三十人，盍簪話遠道。同

鄉更情親，氣誼幾人好。秦系自垂髫，風檐訂交早。

謂竹
潯儀

部離合四十年，往事費尋討。小謝山水豪，衙齋曾一造。

謂鄭泉
侍御

詩酒洽芳辰，風雪吐幽抱。日日期我來，喜色動

初到。念君十載前，春明披翰藻。跡隔塵外游，詩傳宦中

橐。著述師羅隱，丰裁跂鄒浩。既搜洛下才，復譽黔南髦。

說士甘於肉，論文鹽其腦。自言習靜娛，足以除熱惱。寫

經追墨皇，抽秘檢鴻寶。考功尚書郎，持衡無顛倒。姓名

已書屏，風化行偃草。笑我作吏疎，積日成功少。欲辭州

縣勞媿對溪山繞譬如小兒劇塵飯何能飽相期執友
歲切戒庸人擾矧茲學殖荒雕蟲失其巧來詩謬以博瞻見推故云
鬢髮固當變會合安足保良朋若雲龍東鱗西見爪令
名德之興可以長壽考

次韻楊蓉裳農部贈別四首

知名未識面憶昔道平涼喜見吟編富徒歸驛路長人
傳風靜好山隔雨淋浪何意縹緲裏相逢是別觴

聞君才最劇殺賊陣先偏褻綸方投骨螳螂早捕蟬騷
除褻克詰鎮定悟安禪磨盾長歌在當思慎僕緣

上計三城最新除十載遲却將村循術來濟度支時起

草頻當直含香且賦詩郎潛君莫歎笑我又鞭絲

乍喜銜杯合那堪折柳新披襟亭却暑揮麈座生春陵

下跡躡馬橋通宛轉輪多君題樂府傳與種花民

君譜桃花

陽一副故云

次韻訓時帆洗馬西涯賦別四首

未踐遊山約何辭載酒行

遊西山未果乃餞城西極樂寺

十年聯小騎

幾日別層城快雨經宵滿濃陰傍郭生朝來多爽氣拄

笏畫先成

東閣昔未去西涯今再來荒阡無客弔叢棘賴公開

李文

正墓在畏吾邨君所封樹

石闕封三板山泉薦一杯從今禁樵采甚

欲種江梅

謂我同鄉井前型善濟時今年先訂譜論世合鈔詩跡
顯奇童早文傳慧業遲江河流萬古輕薄任嘲嗤

積水自通海聯鑣齊到門

君言西涯即海子
在城中君所居地

廳餘旋馬

地城有狎鷗邨聚散尚難定推遷安可論桔槔亭畔路
記取舊苔痕

陶山展墓四絕句

嶺上孤雲客子魂十年纔一掃荒原北堂倘許謾長在
歲歲何堪日倚門

機杼聲聲曉復昏而今綵服拜

君恩巾箱檢點欄衫破難覓當時舊線痕

入夢慈容尚練裳牽衣回首話偏長分明指點歸來路
至竟泉臺戀故鄉

經營幾日住山齋恰與銜泥燕子偕多愧結廬留不得
鄰翁遮飲杜茅柴

登岱遇雨赴沈舫西太守

焜

招飲二首

憶昔頻登封禪臺履痕重覓莫遲迴忙人那比閒人得
今雨還同舊雨來半壑泉飛渾作雪萬松濤起便成雷
山英頗似曾相識巖際晴雲為我開

雲開霧合總奇觀倏忽前峯驟雨殘地近三天疑乍曉

人忘六月怯輕寒
絺衣輒倚松陰蓋
茶竈堪烹石髓餐
太守作霖行已徧
琴樽邀對月如盤

陶山詩錄卷七